

## JIAWITA JIIK'KAJAME LUTURIAM

Iri jjofteri ineli jiwa jume jita itow yew wetuame itom a binnakewi entok jume sisigok jiwa jita yew sisimepo amani, ika nokta jiapo amani goy sientu ama goy takawa ama gos mamni aman busani, enchi tejwa jita em luturiakawi em a jik'kajapo amani, akiam taaya:

- Elapo waa imi wam yew jiautawame tuuri nokta werianake, yoyowem a tekipanuwapo amani, juka yolem joarata a watiapo amani entok itom yolem tukapo amani;
- Iri sisigok jiwa tuu jiwa jita emow yew a jiautanake yorem'riata a bojoriapo amani entok jiba bem iapo amani entok iri jiapsita utterata maknake batorim a weriapo amani;
- Elapo jume batorim jum sisigok jiwa at'tiakame, ka kia jita june ama yew wetuanake o jiautanake kia jitat jiwa jita, jita jume ama yew wetuanake, jita nenkiwapo benasi at suanake, sisigok jiwa a bojoriapo amani entok waka sisigok jiwa itom bichapo atteakame, kiala iapo aman, jita june ka ama wemta ama yew simtuanake, ika luturiata bittuanake bueytuk inel amani, aapo ika jiwa jowamta atteakame, a luturiawi kaitapo a yanakke junel bechibo sime sisigok jiwa at'tiakame iat tekipanuanake, ka kia jita ama yew wenake bechibo, ika nok jjofterita jiapo amani;
- Am yoorinake jak orapota weepo junel ime et'tejoarim yew ama am nokbechibo entok am tejwanake jakwey bechibo ama yew wenakewi entok tabui tekilta ama yew wetuanake;
- Luturiata jipunake jak aniata weepo ama yew a tewanakepo, ka em turew ama yew siiko, nok jjofteri ta weepo amani;
- Ju jiwa entok bideom tuisi am yaaka imi wam yam wetuanake tuisi jiaunake ju jiwa, juka tekilta nenki yaari;
- Ju sime tekil yaari, sisigok jiwa jita amani, iri ka imi weenake jabeta ka tuisi bitwapo bueytku sim nanalaisi machi, jaksu a jamut'tuko o ooutuko, wasukturiam a weriapo amani, ka takawata yumalasi jipureteko, kaita jipureteko, kokoreme, jachin jita sualwapo, bem nookawi, jachin aw nuuyeme a yorinake, jub'latuko o kabuj'latuko, jabe tabui jita batoritaw yabareteko entok jita june kaitapo a bitnake wame luturiam batorim jipurepo amani;
- Jume batorim luturiam yoriwame, ili ussim simem beppa chee bejresi machi, nanalaisi emo nuuyeme, entok kabe kia jachin enchi bit'nake;
- jume wate jjofterim nesaupo orekame iari bechibo.

Ineli ketchi, ika jjofterita weepo amani goy sientu ama goy takawa ama gos mamni ama gos naikita jiapo amani ika jjofteriata betana nookame sisigok jiwa jita yew weepo amani, jume batorim ka takawata yumalasi jipureteko ikarim luturiak:

- Batorim'mew ka tuisi jik'kajam'mew nokta buijnake, ineli imi sisigokpo aman yaa binnake, juka nokta chee bejresi machik sime aniachi;
- Waka bem jowawi a bejyanake, jachin jita ara bem jowawi, atam bippo yuumala entokte am yorinake;
- Inelim ika jitat juniaka ka turirata ama bichaka jabeta tejwanake nokta amew buijnake entok ka turirata ama wemta, wame inel am jineume betana, jiba ka nanailatuko o waka a at'tiakamta bechibo ka turiakateko;
- Entok jachin tekilta bem yalatukapo amani wiipo aman nok bechibo, internetpo aman junne entok wa a at'tiaka a binnake jachin bem a yanakewi wame batorim jachin ka yumalata jipureme bechibo.